

INUIT ATAQATIGIIT INATSIARTUNI



UKA2021/159

14. oktober 2021

Pipaluk Lynge-Rasmussen

Kalaallit Nunaata MARPOL pillugu isumaqatigiisummi ilanngussaqaq VI-mut atatillugu nunap immikkoortuatut nangaassuteqarneranik Namminersorlutik Oqartussat atorunnaarsitsinissaat pillugu Inatsisartut aalajangiiffigisassaat.

(Nunalerinermut, Imminut Pilersornermut, Nukissiutitut Avatangiisinnullu Naalakkersuisoq)

Siullermik Nunalerinermut, Imminut Pilersornermut, Nukissiutitut Avatangiisinnullu Naalakkersuisumut qujavugut siunnersuuteqarneranut.

MARPOL pillugu isumaqatigiisutit siunissatta suli mingutsitsiffiunnginnerusup aammalu piujuaannartitsilluni avatangiiseqalernissarput qulakkeerpaa, tamanalu nunarsuarmi sakkortuumik pisariaqartinneqarpoq.

Nalunngilarput inuit umiarsuit aqutigalugit qanoq mingutsitsigisut, taamaattumik piffissamik eqquilluarneruvoq isumaqatigiisutit matuma atuutsinneqalernissaa, tassami sersersuarput taamatullu silap pissusaa sunnerneqartussaammata. Isumaqatigiisutit uumap silaannaq eqqilinnerusooq aqutissiuuttussavaa. Avatangiisinut kisimi iluaqutaassanngilaq, tassami inuit peqqissusaannut aamma sunniuteqartussaammat.

Isumaqatigiisutit matuma nunap immikkoortuatut nangaassutit atorunnaarsinneqarneratigut nunatta Nunarsuup sinnerani ilisimaneqaatigalugu isigineqarnera, tassalu nunatut qorsooqqissutut allanngortinneqarsimangitsutut, eqqiluitsutut isigineqarnera aalajangiisimassavarput.

INUIT ATAQATIGIIT INATSIARTUNI



Naak nunarput Parisimi isumaqatigiisummi atsioqataasimanngikkaluartoq, taamaattoq inatsiseqarpoq isumaqatigiissuteqarlunilu unatut ittunik, nunatta qorsooqqittuaannarnissaanik qulakkeerinneqataasunik.

Tulluusimaarutigivara Inuit Ataqatigiit sinnerlugit inatsisissatut siunnersuutip, kinguaatta avatangiisimik atuisinnaanerisa qulakkeerneqarnissaanut aqqutissiueqataasussap, akuersissutigineqarnissaa innersuussutigisinnaagakku, aamma-lu aappassaaneerneqannginnerani Avatangiisinut Eqqissimatitsinermullu Ataatsimiititaliamut innersuullugu.